



Inzko se sastao s danskim ministrom za evropske poslove Wammenom

Visoki predstavnik Valentin Inzko danas se u Sarajevu sastao s danskim ministrom za evropske poslove Nicolaijem Wammenom. Visoki predstavnik Inzko kratko je prezentirao politički napredak u BiH i razgovarao o trenutnom stepenu provedbe Dejtonskog mirovnog sporazuma.

„Ne smijemo izgubiti zamah koji je postignut formiranjem Vijeća ministara“, rekao je visoki predstavnik, naglašavajući značaj koji trenutno odvijanje lokalnog političkog dijaloga ima za Bosnu i Hercegovinu. „Politički lideri moraju uložiti dodatne napore da prevaziđu razlike kako bi BiH mogla nastaviti ići naprijed“, rekao je Inzko ministru Wammenu.

Pozdravljajući podršku koju je EU tokom danskog predsjedavanja Evropskom unijom izrazila Bosni i Hercegovini i visokom predstavniku u ispunjavanju njegovog dejtonskog mandata, Inzko je naglasio da je saradnja i koordinacija između OHR-a i specijalnog predstavnika EU „i dalje odlična“.

Tokom predsjedavanja Evropskom unijom Danska je još jednom ponovila nedvosmisleni podršku Evropske unije teritorijalnom integritetu i suverenitetu Bosne i Hercegovine.